

必有君背乎君者非事也我知宗而言之易我知君而行之  
易世人不知宗與君因以不知我是皆人之無知也人既無  
知則亦安能知我乎宗君即主宰之謂

知我者希孰是知音則我貴矣孰肯承當是以聖人被褐懷玉衣錦尚絅韞櫝而藏

又曰夫人不我知患在我乎亦患在人乎是惟知我者希則  
我愈尊貴矣神聖之詣豈尋常之耳目所能窺其萬一者哉  
所以古之聖人闡而章簡而文溫而理美在其中外觀不耀  
其被褐也若不異於尋常者流而所懷之玉則固已抱寶弗  
拭彌斂而彌越也

知病章第七十一

道藏輯要

道德經解

全

心集一

知不知上真知不知知病妄知

普鍊帝君注曰大道廣大精微即知之猶恐膚末何況無知  
是則知者求道從入之途也第知則知矣而不可存一知之  
心著一知之見故凡能知而不自以為知者最上乘也若徒  
得其膚末而於道全未深知則亦不知之類而詡詡自謂有  
知則是病而已矣

夫惟病病惟恐有知是以不病終無妄知

又曰由是觀之不知而以為知是生人切已之病也誠以此  
病為病則必能日求其所未知者以底於知之盡而欲然若  
歉一如無知方與道相符契則亦何病之有

聖人不病

塵淨

以其病病

一念不存

是以不病

三界惟心一切惟識

又曰企此者其惟聖人乎蓋聖人無予智之病者也不病由於病病則是道無為聖人之知亦無知無無有無有無有此其所以德契鬼神而靈關朗照也其不病職是故耳

### 愛已章第七十二

民不畏威

不能

大威至矣

生死事大

普鍊帝君注曰人之有性本自挺然高出物表雖無威可畏無儀可像而位天地育萬物正有大威者存第人昧於吾性之貴而以死生得喪之故橫於胸中則凡有操生死之權握得喪之柄者鮮不俯首而畏其威而所性之威反不克立苟

### 道藏輯要

道德經解

卷

心集一

能一死生齊得喪不見有威可畏將鍊形以鍊神鍊神以鍊性而超出乎死生得喪之外則大威固不求而至矣

無狹其所居

身藏世界

無厭其所生

無勞爾形無搖爾精

夫惟不厭洗心滌垢是以

不厭

神自居之

又曰大威如是則可知性地廣濶人當即其廣濶而安宅焉而無容狹隘其規模也不知者逐於紛華靡麗從而狹其所居不亦可憫之甚乎夫不知而狹固失性矣其有知之者以紛華靡麗之害性而以為此害性之物總緣此生以招之而欲絕其物因並厭其所生夫生亦不可少也倘皆厭生宇宙間無人類矣聖人知之而既不狹其所居亦不厭其所生夫